



Broj: 22-44-879-8/17
Sarajevo, 09.06.2017. godine

Na osnovu člana 64. stav (1) tačka b), člana 70 st. (1), (3) i (6) Zakona o javnim nabavkama („Službeni glasnik Bosne i Hercegovine“, broj 39/14), člana 8. stav (2) tačka d) Pravilnika o uspostavljanju i radu komisije za nabavke („Službeni glasnik Bosne i Hercegovine“, broj 103/14) i člana 92. stav (3) Pravilnika o unutrašnjoj organizaciji Kantonalne uprave civilne zaštite, na Preporuku Komisija za nabavku, broj: 22-44-879-6/17 od 09.06.2017. godine, u postupku javne nabavke roba: „Nabavka i isporuka tri sanitetska vozila sa pripremom za ugradnju kardiomobila“, direktor Kantonalne uprave civilne zaštite Kantona Sarajevo, d o n o s i

ODLUKU O IZBORU NAJPOVOLJNIJEG PONUĐAČA

Član 1

Prihvata se Preporuka Komisija za nabavku, broj: 22-44-879-6/17 od 09.06.2017. godine i Ugovor o nabavci i isporuci tri sanitetska vozila sa pripremom za ugradnju kardiomobila, dodjeljuje se izabranom ponuđaču **Verano Motors d.o.o. Banja Luka**, ponuda od 01.06.2017. godine, za ponuđenu cijenu od **157.350,00 KM bez PDV-a**, kao najpovoljnijem ponuđaču.

Član 2.

(1) Prijedlog Ugovora o nabavci i isporuci tri sanitetska vozila sa pripremom za ugradnju kardiomobila, dostavit će se na potpis izabranom ponuđaču u roku utvrđenim Zakonom o javnim nabavkama („Službeni glasnik Bosne i Hercegovine“, broj 39/14).

(2) Izabrani ponuđač je dužan da u roku od 5 dana od dana zaprimanja obavještenja o rezultatima ovog postupka javne nabavke (Odluke o izboru najpovoljnijeg ponuđača), dostaviti sve dokaze o kvalifikaciji (dokaze lične sposobnosti i dokaze ekonomske i finansijske sposobnost) koji su traženi kao uslov za učešće u ovom postupku javne nabavke i to na način i u formi kako je zahtijevano tenderskom dokumentacijom za predmetni postupak javne nabavke, broj: 22-44-879-2/17 od 15.05.2017. godine, kao i izmjenama navedene tenderske dokumentacije.

Član 3.

Za realizaciju ove Odluke zadužuju se i ovlašćuju Komisija za nabavku roba: „Nabavka i isporuka tri sanitetska vozila sa pripremom za ugradnju kardiomobila“ i Sektor za ekonomske poslove Kantonalne uprave civilne zaštite Kantona Sarajevo.

Član 4.

Ova Odluka će se u skladu sa članom 70. stav (6) Zakonom o javnim nabavkama objaviti na web stranici Kantonalne uprave civilne zaštite Kantona Sarajevo (www.kucz.ks.gov.ba) i to istovremeno s upućivanjem ponuđačima koji su učestvovali u postupku javne nabavke.

Član 5.

Ova Odluka stupa na snagu danom donošenja i dostaviti će se u skladu sa članom 71. stav (2) Zakonom o javnim nabavkama svim ponuđačima koji su učestvovali u postupku javne nabavke.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke, broj: 22-44-879/17 od 11.05.2017. godine.

Postupak nabavke je sproveden putem otvorenog postupka javne nabavke.

Procijenjena vrijednost javne nabavke bez PDV-a je 195.000,00 KM.

Komisija za nabavku je imenovana Rješenjem, broj: 22-44-879-1/17 od 11.05.2017. godine.

Obavještenje o nabavci, broj: 282-1-1-29-3-11/17 objavljeno je dana, 15.05.2017. godine na Portalu javnih nabavki, dok je sažetak Obavještenja o nabavci dana, 15.05.2017. godine poslano na objavu Službenom glasniku Bosne i Hercegovine, koje je objavljeno u „Službenom glasniku Bosne i Hercegovine“, broj 36/17, dana, 19.05.2017. godine.

Komisija za nabavku dostavila je dana, 09.06.2017. godine direktoru Kantonalne uprave civilne zaštite, Zapisnik o pregledu i ocjeni ponuda, Izvještaj o toku i završetku E-aukcije, Preporuku ugovornom organu i Izvještaj o provedenom postupku javne nabavke.

Na osnovu dostavljenog Izvještaja o provedenom postupku javne nabavke i Izvještaja o toku i završetku E-aukcije, utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu prispjelih ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno slijedeće:

- da su u predmetnom postupku primljene četiri ponude;
- da su blagovremeno primljene četiri ponude;
- da nije bilo ne blagovremeno primljenih ponuda;
- da se ponuda ponuđača Bunjo d.o.o. Sarajevo odbacuje na osnovu člana 68. stav. 1. ZJN iz razloga što navedeni ponuđač nije dostavio tražene dokaze o ispunjavanju uslova ekonomske i finansijske sposobnosti, tehničke i profesionalne sposobnosti iz čl. 47., 48. i 49. ZJN, i to:
 - kopije potvrda od svih banaka navedenih u izvještaju Centrale banke BiH o svim računima koje ima ponuđač, da račun ponuđača nije bio blokiran u posljednjih šest mjeseci – potvrda banke o solventnosti (dostavio je samo kopiju potvrde od jedne banke, dok za ostale tri banke nije dostavio kopiju potvrda da mu račun nije bio blokiran u posljednjih šest mjeseci – potvrda banke o solventnosti);

- u dostavljenom katalogu sa prospektnom dokumentacijom nema dokaza da ponuđena roba ispunjava sve zahtijevane minimalne tehničke karakteristike, koje su navedene u Aneksu XI tenderske dokumentacije za predmetni postupak javne nabavke u Tehničkim specifikacijama – tački A. Opis robe i minimalne tehničke karakteristike koje mora zadovoljavati roba, dio Potrebna ostala oprema i dorada;
- da se ponuda ponuđača ABC 1968 d.o.o. Citroen Sarajevo odbacuje na osnovu člana 68. stav. 1. ZJN iz razloga što navedeni ponuđač nije dostavio tražene dokaze o ispunjavanju uslova tehničke i profesionalne sposobnosti iz čl. 48. i 49. ZJN, i to:
 - Spisak izvršenih ugovora u realizaciji najmanje dva ugovora koji su u vezi s predmetnom nabavkom, čiji zbirni iznos (kumulativno, a može i jednog ugovora) je jednak ili veći od procijenjene vrijednosti predmetne nabavke u posljednje tri godine (dostavio je samo izjavu da su u svom poslovanju ostvarili poslovne odnose sa većim brojem renomiranih i poznatih firmi, međunarodnih organizacija i DKP koji u svom poslovanju i aktivnostima koriste njihova dostavna i putnička vozila, navedene su samo firme, javne ustanove, međunarodne organizacije i DKP po godinama od 2012. do 2017. godine, bez podataka o broju izvršenih ugovora i cijena za izvršene ugovore, tako da se na osnovu navedene izjave ne može utvrditi tačan broj izvršenih ugovora i da je zbirni iznos za izvršene ugovore jednak ili veći od procijenjene vrijednosti predmetne nabavke);
 - Potvrde o uredno izvršenim ugovorima od druge ugovorene strane ili izjava o uredno izvršenim ugovorima, uz dokaze o učinjenim pokušajima da se takve potvrde osiguraju.
- da su ponude ponuđača: Verano Motors d.o.o. Banja Luka i A.C.I. d.o.o. Sarajevo, kvalifikovane i prihvatljive, da ispunjavaju sve zahtjeve i kriterije koji su traženi tenderskom dokumentacijom za predmetni postupak javne nabavke kao i izmjenama navedene tenderske dokumentacije, te da su dostavljeni svi traženi dokazi na propisani način;
- da je provedena E-aukcija putem informacioni sistem E-nabavke dana, 09.06.2017. godine.

U postupku donošenja ove Odluke, posebno su cijenjene činjenice da je Komisija za nabavke u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda.

U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisija za nabavku.

Naime, u postupku je ocijenjeno, da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima, tenderskom dokumentacijom i provedenom E-aukcijom.

Uvidom u priloženu dokumentaciju, nesporno je da je **izabrani ponuđač** najbolje ocijenjen jer je njegova ponuda u ukupnom iznosu od **157.350,00 KM bez PDV-a**, prema kriteriju za izbor (**najniža cijena**) rangirana na prvom mjestu i ispunjava sve uslove zadane u tenderskoj dokumentaciji.

Iz navedenih razloga, primjenom člana 64. stav (1) tačka b), člana 70 st. (1), (3) i (6) Zakona o javnim nabavkama, člana 8. stav (2) tačka d) Pravilnika o uspostavljanju i radu komisije za nabavke i člana 92. stav (3) Pravilnika o unutrašnjoj organizaciji Kantonalne uprave civilne zaštite, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.

Dostavljeno:

- Svim ponuđačima
- Sektoru za ekonomske poslove KUCZ
- a/a


DIREKTOR
Mr. Mustafa Kovač



E-mail: kucz@kucz.ks.gov.ba; www.ks.gov.ba
tel: + 387 33 201 595; + 387 33 443 720; fax: +387 33 560 453
71000 Sarajevo, Hamida Dizdara 1